

"মিষ্টি বাচ্চারা -- তোমরা যদি সত্যিকারের আশিক (প্রেমিকা) হয়ে মাশুককে (প্রিয়তম) স্মরণ করো, তাহলে তোমাদের আয়ু বৃদ্ধি পাবে, যোগ আর এই ঈশ্বরীয় পড়ার দ্বারাই তোমরা উঁচু পদ পেতে পারবে।"

প্রশ্ন :- ভারতকে স্বর্গ বানানোর জন্য বাবা তাঁর বাচ্চাদের কাছে কি ধরনের সাহায্য চান ?

উত্তর :- বাচ্চারা -- আমার পবিত্রতার শক্তি চাই। প্রতিজ্ঞা করো -- আমরা কাম বিকারকে ত্যাগ করে অবশ্যই পবিত্র হবো। ভোরবেলা উঠে নিজের সঙ্গে কথা বলো -- মিষ্টি বাবা, আমরা আপনাকে সাহায্য করার জন্য প্রস্তুত। আমরা পবিত্র হয়ে ভারতকে অবশ্যই পবিত্র করবো। আপনার শিক্ষার উপর অবশ্যই চলবো। কোনো পাপ কাজ করবো না। বাবা এ আপনারই আশ্চর্য ক্ষমতা যে, আমাদের স্বপ্নেও ছিল না আমরা এই বিশ্বের মালিক হতে পারব। আপনি আমাদের কি থেকে কি তৈরী করছেন।

গীত :- আমাদের হৃদয় তোমাকে ডাকছে

ওম্ শান্তি। বাবার অতি প্রিয় বাচ্চারা জানে যে, আমরা আত্মারা হলাম আশিক (প্রেমিকা) ওই এক মাশুক (প্রিয়তম) বাবার। বাচ্চারা জানে যে আশিক এবং মাশুকের সম্বন্ধ কতো গভীর। লৌকিক জগতে প্রেমিক প্রেমিকারা শরীরের প্রতি আকৃষ্ট হয়, শুধুমাত্র বিকারের জন্য নয়। বাচ্চারা জানে যে, যখন কারোর বিয়ে হয়, যদিও তাদের স্বামী-স্ত্রী বলা হয়, কিন্তু সেই প্রেমিক-প্রেমিকাও একে অপরকে পতিত বানিয়ে ফেলে। আগে থেকেই তারা জানে যে আমরা বিকারী হবো। এখন তোমরা বাচ্চারা আশিক (প্রেমিকা) হয়েছ একজন মাশুকের (প্রিয়তম), যিনি সমস্ত আত্মাদের মাশুক। তোমরা সকলে ওই একজনেরই প্রেমিকা। সব ভক্তরাই ভগবানের প্রেমিকা। তবুও ভক্তরা ভগবানের খবর জানেই না। আর এই ভগবানকে না জানার কারণেই তাঁর থেকে কোনো শক্তি ইত্যাদি প্রাপ্ত করতে পারে না। সাধু-সন্তরা পবিত্র থাকে তাই তারা অল্পকালের জন্য কিছু না কিছু পায়। তোমরা তো একজন প্রিয়তমকেই স্মরণ করো। তাঁর সাথেই বুদ্ধির যোগ লাগানো হয়। যিনি একাধারে বাবা, শিক্ষক এবং পতিত-পাবন সর্বশক্তিমানও। সেই বাবার সঙ্গেই তোমরা যোগযুক্ত হয়ে শক্তি নাও। তোমাদের এই জ্ঞানই আলাদা, তোমরা শক্তি নাও মায়ার উপর বিজয় পাওয়ার জন্য। এমন যিনি বিশ্বের মালিক বানান, সেই প্রিয়তম কতো মিষ্টি। যারা বাবাকে আপন করেছে, তারা জানে যে তিনি কতো সুন্দর প্রেমিক, যাকে অর্ধেক কল্প ধরে সবাই স্মরণ করে থাকে। পৃথিবীর লৌকিক প্রেমিক প্রেমিকারা তো এক জন্মের জন্য হয়ে থাকে। তোমরা তো অর্ধেক কল্প ধরে স্মরণ করেছে। এখন তোমরা বাবাকে জেনেছ তাই তোমরা তাঁর থেকে অনেক শক্তি পাচ্ছ। তোমরা বাবার শ্রীমতে চলে স্বর্গের শ্রেষ্ঠর থেকে শ্রেষ্ঠ মালিক হতে চলেছো। এই আশিক বা প্রেমিক আত্মারাই হয়, কর্তব্যও আত্মাই করে -- এই কর্মেন্দ্রিয়র দ্বারা।

বাচ্চারা তোমাদের মনে এখন এই সুরই বেজেছে যে, আমাদের বাবার থেকে বর্সা বা সম্পত্তি নিতে হবে। এই বিকাররূপী বিষের লেন-দেন করার জন্য তোমরা যে হাতকড়া বাঁধো, বাবা এসে এখন সব বাতিল করে দিয়েছেন। বাবা বলেন, এইসব কথা ছেড়ে এখন আমাকে স্মরণ করো। পৃথিবীর

প্রেমিকাদেরও প্রতি সময় উঠতে - বসতে বা খেতে তাদের প্রেমিকের কথা মনে পড়ে। তার প্রতি কোনো খারাপ ভাবনা আসে না। বিকারের কথাই নেই। এখন তোমরা একজনকেই স্মরণ করো। এই স্মরণের পুরুষার্থ অনুসারেই তোমরা নিজেদের আয়ু বাড়াতে পারো। মনে করো কোনো ব্রাহ্মণ যদি তোমাকে বলে যে তোমার আয়ু ৫০ বছর, বাবা বলেন যে তুমি এখন যোগবলে নিজেদের আয়ু বাড়াতে পারো। যত যোগে থাকতে পারবে, ততই আয়ু বাড়বে। তখন জন্ম - জন্মান্তরে দীর্ঘায়ু নিয়ে জন্মাতে পারবে। যোগ না করতে পারলে সাজা খেতে হবে আর তখন পদও কম হয়ে যাবে। সুখী তো সবাই হবে কিন্তু তা যোগ আর পড়ার মাধ্যমে। তফাত কেবল পদেরই হয়। যতো পুরুষার্থ, তত উঁচু পদ। ধনও তো তোমরা নম্বর অনুসারেই পাবে। সবাই তো একরকম ধনী হবে না। তাই বাবা বলেন যতটা সম্ভব আমার মতে চলো। অর্ধেক কল্প তোমরা আসুরী মতে চলো, যার ফলে তোমাদের আয়ু কমে গেছে। যতোই বড় মানুষ হোক না কেন। আজ জন্ম নিল আবার কালই মারা গেলো। দান - পুণ্য করলে তো বড় ঘরে জন্ম হয়। এখন বাবা তোমাদের অবিনাশী জ্ঞান রঞ্জের দান করে তোমাদের ঝুলি ভর্তি করছে। তোমরা কত বড় সাহকার হও। এই অবিনাশী জ্ঞান রঞ্জের দানই বলো বা বর্ষাই বলো, সবই বাবার থেকে পাও। তোমরা বাবার থেকে বর্ষা বা সম্পত্তি নিছো, তাই তোমাদের অন্যকেও এই পথ দেখাতে হবে। তোমরা ভগবানের সন্তান তাই ভগবান - ভগবতী পদও তোমাদেরই পাওয়া উচিত। ভারতে এই গায়ন আছে, ভগবান লক্ষ্মী, ভগবান নারায়ণ। নতুন দুনিয়াতে এই দেবী দেবতাই রাজত্ব করে থাকেন কারণ ভগবানের দ্বারাই তাঁরা এই পদ প্রাপ্ত করেছেন। কিন্তু বাবা বোঝান, তাঁদেরই যদি ভগবান-ভগবতী বলা হয়, তাহলে যেমন রাজা-রানী তেমন প্রজা, এমন সকলকেই ভগবান-ভগবতী বলতে হয়, তাই তাঁদের দেবী - দেবতা বলা হয়।

তোমরা জানো যে, আমরা ভারতকে স্বর্গ বানাচ্ছি। পরমপিতা পরমাত্মার শ্রীমতে চলে আমরা রাজযোগ শিখছি। এরপর আমরা রাজ্য - ভাগ্য পাবো। পরমাত্মাই স্বর্গের স্থাপন করেন তাই তিনি অবশ্যই নরকেই আসবেন আর এই নরকেই স্বর্গে পরিণত করবেন। যারা আগের কল্পে হয়েছিলো, তারাই আবার হবে। সবার তো আর একরকম অবস্থা হয় না, পুরুষার্থের নম্বর অনুসারেই তা প্রাপ্ত হয়। আজকাল তো বাচ্চারা হিম্মত করে পানের বরজও ওঠাতে যায়, কেউ বলে -- বাবা অমুক বাচ্চার অনেক ভার মনে হয়, আমি তাকে বাঁচানোর জন্য যুগল হয়ে যাই। আচ্ছা, এ তো ঠিক আছে, কিন্তু জ্ঞানের শক্তি চাই, ধারণা চাই। যতো উত্তরাধিকারী আর প্রজা বানাতে পারবে, কাঁটাকে ফুলে পরিণত করার সেবা করতে পারবে, তত উঁচু পদ পাবে। তোমাদের কত পরিশ্রম করতে হবে। এমন অনেকেই বিলেতে আছেন। সহযোগী হয়ে থাকেন এবং পবিত্র থাকেন। তারপর সম্পত্তি কখনো স্ত্রীকে দিয়ে দেয় কখনো আবার চ্যারিটি করে দেয়। এখন বাচ্চারা তোমরা পরমপিতা পরমাত্মা মাশুককে পেয়েছো, যিনি তোমাদের এই বিশ্বের মালিক বানান, তাহলে তাঁকে কতোখানি স্মরণ করতে হবে। এমন বাবাকে তো খুবই স্মরণ করতে হবে। তোমরাই বাবাকে জানো, আর কোনো সাধু, সন্ত আদি বাবাকে জানে না। এখানে বাবা বাচ্চাদের সামনে বসে আছেন। এখন যদিও কেউ পবিত্র থাকে তবুও পবিত্রতার শক্তি কেউই এখন পায় না। তোমরা যতো পবিত্রতার শক্তি পতিত পাবন বাবার থেকে পেয়ে থাকো, অন্যেরা পায় না কারণ তারা বাবাকে জানে না। তারা আত্মাই পরমাত্মা বা ব্রহ্মই পরমাত্মা -- তারা এমন কথা বলে দেয়। এই বিষয়ে অনেক মত মতান্তর আছে। এখানে তোমাদের সকলের হলো এক অদ্বৈত মত। বাবার দ্বারাই মানুষ থেকে দেবতা হওয়ার মত পাওয়া যায়। মানুষ থেকে দেবতা বানাতে খুব বেশী সময় লাগে না। নোংরা কাপড়ের মনের তুল্য মানুষদের বাবা এসে

পবিত্র বানান । বাবার মহিমা তো আছে, তাই না ? বাদবাকি শাস্ত্র তো অনেক শুনেছ বা পড়ে এসেছ, কিন্তু তাতে কোনো ফলই হয় না । এখন যখন বাবা এসে গেছেন, তখন তাঁর সত্যিকারের আশিক (প্রেমিকা) হতে হবে । বুদ্ধির যোগ যেন অন্য কথাও গিয়ে বিভ্রান্ত না হয় । তোমরা গৃহস্থ জীবনে থাকো কিন্তু পদ্ম ফুলের মতো পবিত্র থাকো । ভক্তিমার্গে মানুষ তো কখনো হনুমানকে কখনো গণেশকে কখনো অন্য কাউকে ধরে এসেছে । কিন্তু তারা তো ভগবান নন । যদিও শিব বাবার নাম জানতো মানুষ, তবুও কিছুই বুঝতে পারতো না । পরমাত্মাকে তারা নুড়ি, পাথরে বলে দিয়েছে । সবই জট পাকিয়ে গেছে, একমাত্র বাবা ছাড়া এই জট কেউই খুলতে পারবে না । কেউই এইভাবে ভগবানকে পায় না । স্বয়ং ভগবানই বলেন, যখন ভক্তি সম্পূর্ণ হয়, তখনই আমি আসি । অর্ধেক কল্প ভক্তিমার্গের সময় চলে, দিন আর রাত । শুরুতে যখন শিববাবার প্রবেশ হতো, তখন দেওয়ালে এমন ছোটো ছোটো চক্র দেখানো হতো, যেমন ছোটো বাচ্চারা হয় । কিছুই বোঝা যেত না । আমরা সকলেই জ্ঞান হীন ছিলাম, তারপর ধীরে ধীরে বুদ্ধিতে এই জ্ঞান আসতে থাকে । এখন যখন এই পড়া পড়ে তোমরা হুঁশিয়ার হয়ে গেছো, তখন খুব সহজ রীতিতেই তোমরা বোঝাতে পারবে । এমন ভেবো না যে এ অনেক পুরোনো বাচ্চা, তাই আমাদের থেকে বেশী হুঁশিয়ার । আমি তো এতো পড়তে পারবো না । বাবা বলেন, যারা পরের দিকে আসে, তারাও আগে এগিয়ে যেতে পারে । যারা দেহীতে আসে তারা আরো বেশী করে যোগে মগ্ন থাকে । প্রতিদিন জ্ঞানের জন্য খুব ভালো পয়েন্টস পাওয়া যায় । পরমপিতা পরমাত্মা হলেন স্বর্গের রচয়িতা তাই তাঁর থেকে বর্সা বা সম্পত্তি তো পাওয়া উচিত, তাই না ? সত্যযুগে তা ছিলো । এখন নেই, তাই তো বাবা আবার দিতে এসেছেন । বাবা কতো পথ দেখান, যাতে বাচ্চারা কিছু অন্তত বুঝতে পারে, আর যোগে আকৃষ্ট হয় । কেউ আবার বলে আমার সময় নেই । বাবার এই স্মরণের দ্বারাই তোমরা সর্বদার জন্য নিরোগী হতে পারবে । তাই এই কাজে তো লেগে যাওয়া উচিত, তাই না ? এতে স্থূল কিছুই করতে হয় না । তোমাদের লৌকিক বাবার কথা মনে থাকে তাহলে পারলৌকিক বাবাকে কেন ভুলে যাও । বাবা বলেন যে, আমি তোমাদের ভারতবাসীদের ৫ হাজার বছর আগে বর্সা বা সম্পত্তি দিয়েছিলাম, তাই না ? তোমরা তো এই বিশ্বের মালিক ছিলে -- এই কথা কি ভুলে গেছো ? তোমরা প্রথমে সূর্যবংশী ছিলে তারপর চন্দ্রবংশী অবশেষে বৈশ্যবংশী হয়েছ । এখন তোমাদের আমি ব্রাহ্মণ বংশী বানাতে এসেছি । ব্রাহ্মণ হলেই তো যজ্ঞের রক্ষা করতে পারবে । ব্রাহ্মণ কখনোই বিকারী হয় না । শেষ পর্যন্ত পবিত্র তো থাকতেই হবে, তখনই নতুন দুনিয়ার মালিক হতে পারবে । এ কতো বড় প্রাপ্তি । তোমরা তো বাবাকে স্মরণ করো না । বাচ্চা হলে অথচ বাবাকে স্মরণ করলে না, এ তো কখনো হতে পারে না । বাবাকে ভুলে গেলে বর্সা বা সম্পত্তি কেমন করে পাবে ? এ তো হলো একধরনের প্রাপ্তি । সাধু - সন্তদের কাছে তো কিছুই প্রাপ্তি হয় না । সেখানে কেবল পবিত্রতার শক্তি, ঈশ্বরীয় বল কিছুই নেই । ঈশ্বরকে জানেই না, তাহলে শক্তি পাবে কোথা থেকে ? এই শক্তি তোমরাই পেয়েছো । বাবা নিজেই বলেন, আমি তোমাদের স্বর্গের মালিক বানাতে এসেছি । তোমরা কিছুদিনের জন্য কি পবিত্র থাকতে পারবে না ? ক্রোধ হলো দ্বিতীয় ভূত । বড়র থেকে বড় ভূত হলো কাম । সত্যযুগে ভারত ছিল পাপমুক্ত দুনিয়া, ভারত কতো সুখী ছিলো । পাপের দুনিয়া হওয়াতে ভারতেই কি হাল হয়েছে । বাবা যখন ভারতকে আবার পাপমুক্ত বানাতে এসেছেন, তখন এমন বাবাকে স্মরণ করতে তোমরা ভুলে যাও ? মায়া হঠাৎ করে বিকর্ম করিয়ে দেয় । এই লক্ষ্য হলো অনেক বড় । তোমরা এমন বাবার শ্রীমতে কেন চলো না ! এমন বাবার প্রতি তোমাদের কোনো ভালোবাসা নেই ! তোমরা বলো যে , তোমরা ভুলে যাও, আচ্ছা , এক মুহূর্ত , আধ মুহূর্ত.....কম করে এই চেষ্টা করো যাতে অন্তকালে বাবাকে স্মরণ আসে । এই সময়ই তো অন্তকাল, তাই না ? অন্তকালে যে নারায়ণকে স্মরণ করে

....."আমি নারায়ণ হবো ।" তোমরাও তো তাই হচ্ছে। বাবা বলেন , তোমরা সম্পূর্ণ বাবার প্রেমিকা হও না ? বাবা হলেন দাতা । বাবাকে যদি নিজের করতে পারো, তখনই বাবা রায় বা মত দেবেন । যারা সৎ সন্তান, তাদের তো তিনি মত বা রায় দেবেন না । বাবা হলেন দাতা । তিনি কি তোমাদের থেকে কিছু নেন ? তোমরা যা কিছুই করো, সব নিজের জন্য । আমি তো এই বিশ্বের মালিকও হই না । এমন কখনোই ভেবো না যে আমরা শিববাবাকে কিছু দান করছি । না , আমরা শিববাবার থেকে বর্সা বা সম্পত্তি নিয়ে থাকি । মৃত্যুর সময় সবাই দান করে, তাই না ? বিশেষ ব্রাহ্মণ পুরোহিতকে সব কিছু দেয় । তোমাদের কাছে কি আর আছে ? তোমরা নুড়ি, পাথরও পরমাত্মাকে দিয়ে দাও । তোমাদের এইসবই শেষ হয়ে যাবে । মৃত্যুকে তোমরা ভয় পাও না তো ! বাবা বলেন, এই ছি ছি দুনিয়াতে থাকার থেকে মৃত্যু ভালো । ৫ হাজার বছর আগেও আমি মশার মতো সকলকে নিয়ে গিয়েছিলাম । আমিই আবার তোমাদের কালেরও কাল, মহাকাল বাবা । তোমাদের অর্ধেক কল্পের জন্য আমি কালের গ্রাস থেকে মুক্ত করি । ওখানে তো আত্মা স্বাভাবিকভাবে থাকে । যখন শরীর পুরোনো হয়ে যায় তখন সেই শরীর ত্যাগ করে নতুন শরীর ধারণ করে । এখনো বোঝো যে বাবার কাছে যেতে হলে ভোরবেলা উঠে বাবার সাথে কথা বোলো । বাবা, আপনি তো আশ্চর্য করে দেখালেন, স্বপ্নেও জানতাম না যে আপনি এসে আমাদের স্বর্গের মালিক বানাবেন । আমরা তো সম্পূর্ণ অন্ধকারে ছিলাম । বাবা, এ আপনার আশ্চর্য ক্ষমতা । আমরা অবশ্যই আপনার শিক্ষায় চলবো । কোনো পাপ কাজ আমরা করবো না । কামের ভূতকে প্রথমে দূর করবো । পবিত্রতার প্রতিজ্ঞা করো । বাবা, মিষ্টি বাবা, আমরা আপনার সাহায্যের জন্য হাজারিএমন ধরনের কথা বাবার সাথে বলতে হবে । যেমন বাবা পুরুষার্থ করেন, বাচ্চাদের তা শোনান । বাবা আমরা অশরীরী এসেছিলাম, এখন মনে পড়েছেএই পুরোনো দুনিয়াকে ভোলার পুরুষার্থ করতে হবে । শিববাবার এতো সন্তান । তিনি তো উদ্বিগ্ন থাকবেনই । ব্রহ্মাবাবাও উদ্বিগ্ন থাকেন । কত সন্তান, তাদের কিভাবে সামলাতে হবে । বাচ্চারা যেন সম্পূর্ণ আরামে থাকে । এখানে তো তোমরা ঈশ্বরীয় ঘরে আছো । এখানে কোনো সঙ্গদোষ থাকে না । বাবা তোমাদের সামনে বসে আছে । তোমার থেকেই থাকো, তোমার কাছেই বসবোতোমরা জানো যে শিববাবা এনার মধ্যে এসে বাচ্চা - বাচ্চা বলে ডাকেন । তিনি বলেন, আমার অতি প্রিয় বাচ্চারা, প্রতিজ্ঞা করো, কখনো বিকারে যাবে না । তোমরা পবিত্রতা দিয়ে আমাকে সাহায্য করো, তাহলে ভারতকে পবিত্র বানাতে পারবে । সাহসী বাচ্চারা আর সাহায্যকারী বাবাএই কথা তোমাদের মনে আসে না । কল্প কল্প আমরা এই কাজই করি, ভারতকে স্বর্গ বানাবার । যারা পরিশ্রম করবে তারাই সেই স্বর্গের মালিক হবে । কংগ্রেসীরা গান্ধীজীকে কত সাহায্য করেছিলো । এখন দেখো রাজ্য হয়েছেকিন্তু রামরাজ্য তো হয় নি । দিন প্রতিদিন মানুষ আরো তমোপ্রধান হয়ে যাচ্ছে । বাবা এসে তোমাদের সুখধামের মালিক বানাচ্ছেন । অর্ধেক কল্প তোমরা সুখে থাকো । আচ্ছা ।

মিষ্টি-মিষ্টি হারানিধি বাচ্চাদের প্রতি মাতা-পিতা, বাপদাদার স্মরণ, ভালোবাসা এবং সুপ্রভাত । রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :-

১) সত্যিকারের আশিক (প্রেমিকা) হতে হবে । বুদ্ধির যোগ এক মাশুকের (প্রিয়তম) সাথে রাখতে হবে । বুদ্ধি যাতে এদিকে ওদিকে বিভ্রান্ত না হয় সেদিকে নজর দিতে হবে ।

২) সর্বদা প্রাপ্তিকে সামনে রেখে বাবাকে নিরন্তর স্মরণ করতে হবে। অবশ্যই পবিত্র থাকতে হবে। ভারতকে স্বর্গ বানানোর সেবা করতে হবে।

বরদান :- শ্রেষ্ঠ সংস্কারের আধারে থেকে ভবিষ্যতের সংসার বানানোর জন্য ধারণা স্বরূপ হও।

এখনকার শ্রেষ্ঠ সংস্কার থেকেই ভবিষ্যতের সংসার তৈরী হবে। এক রাজ্য এবং এক ধর্মের সংস্কারই ভবিষ্যত সংসারের ফাউন্ডেশন বা ভিত। স্বরাজ্যের ধর্ম বা ধারণা হলো -- মন - বচন - কর্ম, সম্বন্ধ এবং সম্পর্কে সব ধরনের পবিত্রতা। সংকল্প বা স্বপ্ন মাত্রে অপবিত্রতা অর্থাৎ দ্বিতীয় ধর্ম যেন না হয়। যেখানে পবিত্রতা থাকে সেখানে অপবিত্রতা অর্থাৎ ব্যর্থ বা বিকল্পের কোনো চিহ্নও থাকে না, তাকেই ধারণার স্বরূপ বলা হয়।

স্নোগান :- দূততার শক্তি গভীর সংস্কারকেও মোমের মত নরম করে গলিয়ে দিতে পারে।